

Oqaasileriffik Sprogsekretariatet

**Nunat Aqqinik Aalajangiisartut
tallimannorneq januaarip 13-anni 2017-imi
Ilimmarfimmi ataatsimiinnerat**


Peqataasut.: Kirstine Kreutzmann, Marianne Petersen, Jens Danielsen (oqarasuaatikkut malinnaavoq).

Peqataannigitsut: Bolatta Vahl, Karl Elias Olsen

Allatsi: Lisathe Møller Kruse

Oqaluuserisat makkuupput:

1. Oqaluuserisassat akuerineqarnerat
2. Kingullermik ataatsimiinnermi imaqarniliap akuerineqarnera
3. Siulittaasumit allattoqarfimmillu ilisimatitsissutit
4. Kalaallit Nunaanni Nunat Aqqinik Aalajangiisartut pillugit Inatsisartut inatsisissaattut siunnersuutip tusarniutigineqartup eqqartorlugu naliliiviginera
5. Nunat Aqqinik Aalajangiisartut nunat aqqinik aalajangiisarnissami tunngavissanik sinaakkuteqalernissaat pillugu eqqartuineq. Ilaatigut sammissallugu Nunat Aqqinik Aalajangiisartut tusagassiutinut nalunaaruteqarnissaannut tunngatillugu suleriutsit
6. Ukkusissat imaluunniit Ukkusissaq
7. GPS-imi nunat aqqisa eqqortuusanninneri pillugu eqqartuineq
8. Suliat allat pillugit ilisimatitsissutit



Oqaasileriffik Sprogsekretariatet

1. pillugu –

Oqaluuserisassat Nunat Aqqinik Aalajangiisartunit allannguuteqartinneqalaareerlutik akuerineqarput.

2. pillugu –

Oktobarip 25-anni 2016-mi ataatsimiinnermit imaqarniliaq aqqitassamernit aaqinneqareernerisigut akuerineqarpoq, ataatsimeeqataasullu imaqarniliamut atsiortinneqarlutik.

3. pillugu –

Oqaasileriffimmit ilisimatitsissutigineqarpoq Geodatastyrelsen nunap assiliorneranut Oqaasileriffik suleqataasoq, qarasaasiami nunat aqqisa killinginik (polygoner) suliaqarnissaq suliaassagalugu.


4. pillugu –

Kalaallit Nunaanni Nunat Aqqinik Aalajangiisartut pillugit Inatsisartut inatsisissaattut siunnersuut tusarniutigineqartoq Nunat Aqqinik Aalajangiisartut eqqartorpaat. Inatsisissarli pillugu inatsisilerituumik ataatsimeeqatiserinninnissartik aalajangiuppaat, inatsisissaq pillugu erseqqinnerusumik nassuiaanneqarnissartik inatsisissarlu paaseqqissaarnissaa anguniarlugu taamaaliorniartutik.

5. pillugu –

Nunat Aqqinik Aalajangiisartut nunat aqqinik aalajangiisarnissami tunngavissanik sinaakkuteqalernissaq pillugu eqqartuisussaapput. Nunat Aqqinik Aalajangiisartut oqartussaaffiisa ilaannik Oqaasiliortut oqartussaaffeqalernissaat pissutigalugu una eqqartugassaq kinguartinneqarpoq, Oqaasiliortut sorpiaat oqartussaaffiit tigussaneraat erseqqissumik misissoqqaagassaassamat.

Nunat Aqqinik Aalajangiisartut tusagassiutinut nalunaaruteqarnissaannut tunngatillugu suleriutsit eqqartugassaasa ilagigaluarpaat, taannali aamma kinguartinneqarpoq.



Oqaasileriffik Sprogsekretariatet

6. pillugu –

Nuup saavaniittoq qaqqarsuaq pisortatigoortumik Ukkusissanik ateqartinneqarpoq, taamaattoq Nuummiut ilaasa Ukkusissamik taasarmassuk Nunat Aqqinik Aalajangiisartut misissuinerit tunngavigalugit misissortussaagaluarpaat sorlerlu pisortatigoortumik aterissaneraa aalajangiivigisussaagaluarlugu. Eqqartugassarli aalajangiiviginissaalu kinguartinneqarallarpoq.

7. pillugu –

GPS-imi nunat aqqisa eqqortuusanninneri pillugit Nunat Aqqinik Aalajangiisartut eqqartuisussaagaluarlutik eqqartunngikkallarpaat.

8. pillugu –

Apeqquut nalornissutaasoq Nunat Aqqinik Aalajangiisartunit eqqartorneqartoq tassaavoq nunatta aqqa allannguuteqassappat kikkut aalajangiisuussanersut. Nunat Aqqinik Aalajangiisartut aalajangiuppaat tamanna pillugu Naalackersuisoqarfimmi inatsisilerituumut saaffiginnissutigalugu erseqqissumik paasiniarneqassasoq ilumut kikkut nunatta aqqanut oqartussaaffeqarnersut.

Kirstine Olsen

Siulittaasoq

Marianne Petersen

NAA-mi ilaasortaq

Bolatta Vahl

NAA-mi ilaasortaq

Karl Elias Olsen

Siulittaasup tullia

Jens Danielsen

NAA-mi ilaasortaq